



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四五一

勸齋詩鈔四卷 馮 成撰

一

稻花齋詩鈔八卷稻花齋續鈔六卷 方于穀撰

二二

天香全集三十二卷（遊山日記十二卷和陶詩一卷南征集一卷香詞百選

一卷花仙小志一卷緱山集一卷湘舟漫錄三卷驂鸞集三卷古南餘話五

卷嫠舲餘稿一卷秋心集一卷聯璧詩鈔二卷 舒夢蘭撰

二〇九

九水山房文存二卷 畢 亨撰

六四一

咸豐庚申五月

勛齋詩鈔

雲梯初稿

教授文林郎浙江建德縣知縣馮君墓誌銘

山陰楊夫渠篆蓋

寶坻高繼珩謨文

嘉興馮鼎祚書丹

君姓馮氏諱歲字百史號勛齋山西代州人七世祖諱如京

國初以勲業仕至廣東左布政使世所稱秋水先生也
曾祖光裕巡撫湖南祖祁翰林院編修父廷丞湖北按察使君蚤歲通脫好騎射有河朔少年風少長折節讀書乾隆庚子舉順天鄉試隨父官京師一時父執如紀

勛齋墓誌銘

文達朱文正朱學士筠王侍郎昶姚郎中鼐蔣編修士銓皆器之名日噪以繕寫四庫書籤得刑部司務君故沈文恪初壻人謂丈人峰爲終南捷徑君聞之投牒吏部歸大挑以知縣分發浙江歷署於潛長興建德西安龍泉慈谿桐廬知縣峽口同知初除麗水調江山改建德所至有政聲麗水號巖邑余民墾荒谷爭界鬪且訟余民者處州山一種編氓也君下車履勘畫地藪石召其雄長安己業犯者杖終君任無爭田者其任江山也地接八閩俗犷悍一言不相中輒出白刃相仇有樵入山行木不直人而殺之委其刀於團焦中將逸客作望

見號於衆曰長官清而若白晝殺人毋任逆急趨入園
焦取向所委刀追將及樵者悔禍奪刀擊堂上鼓自首
獄實以有老母末減會赦歸率妻孥拜堂下卒爲善人
德清徐蔡氏獄起鬻獄買直了不得主名按察使王維
詢憂懼自經事聞

上命祁墳陳臬覆訊祁故與君同官刑部習知君有爲
檄令研鞠卒平反當時兩賢之初君父官江西按察使
人

觀大學士于文襄問公以治獄之要對曰夫獄者愈求
則愈深要在適中而止則情法兩盡文襄嗟賞其言語

勛齋墓誌銘

二

諸曹司以爲法君之能治獄蓋有自來矣迨治建德戊
子大水壞田廬溺人畜君備漁舫拯之水落賑饑播種
民賴以蘇大府使丞倅勘災先後至境責供頓君目擊
瘡痍僉供頓丞倅反命齟齬之而魯隣邑布政使某復
行縣止君境獨復業乃報最而家亦由是落矣先是建
德有寶賢書院久廢君從而新之進諸生講肄拔其尤
者如張廣居柴望霖等給膏火一時人文蔚起性喜卉
木過卽成林且勸民種樹人謂君愛卉木如其愛士民
也甘棠之詠至今遍浙東顧以風骨廉厲不畏強禦卒
浮沈一縣令以老而不竟其用也悲夫建德荒政君積

勛齋墓誌銘

三

十二月二十二日壬申與沈孺人合葬於蘇州石湖澄
灣新阡越六年辛丑繼珩始得交君第三孫焯焯篤雅
君子也奉其父命自廣西次君行實請銘其幽嗚呼君
之子孫不求之當代大人先生而謗諸珩將以傳君也
珩之文足傳君哉然君之行久傳於浙東士民之口則
珩文庶幾藉君以傳故不辭而爲之銘曰
公生自晉而葬於吳比德於古桐鄉祀朱攬山川之清
淑兮石湖湯湯神無所不往兮雁門堂堂慨吾道之南
行兮此其典型徵明德之有後兮豈無達人永奠松楸
兮百世千春

勸齋詩鈔卷一

代州馮歲百史

涉江集

歲癸丑客杭州友人約赴浙東遂渡錢塘江抵甬東
句留數日而返此邦爲 先大夫舊治西州城門東
山絲竹過其地者甯止黃墟天上之感耶排比往還
所作附以舊詩二章名涉江集云

渡錢塘江

水犀強弩漫欬歔喚渡人來利涉初無定沙痕潮上下
有情江路水縈紆東流一髮蟠滄海近郭千家辨里閭

勸齋詩鈔卷一

一

瞬息收帆登彼岸者番剛趁好風餘

夜過錢清卽劉寵遜錢處故名

一櫂烏篷掠水輕廿年來往記錢清分明子舍承歡地
打槳重聽入夜聲

山陰道上抵甬東雜詩

潑翠剡溪山如拭鏡湖水擎舟向山陰所獲詫有此巖
懸孤蓬款雜杳衆妙是層層舒遠黛面而浮近几圍繞
羣峯中樞若不可弭延緣到溪口營又獻清美哉哉高
髻鬢突向半天紫衆峯遙通忽有一峯若小孤山者煙鬟綽約遠望紫翠可愛 彷彿
雨來時墨戲差足擬潏洞入港派別瀉渺瀾一鑑不

受塵千紋如整理清音答遙響松籟忽徐起纓疑孺子
濯果欲禽尙委

東水亂巖竇峭壁曰遶門到眼恍巫峽留流蕩山根取

材競斧鑿落勢爭崩奔越人伐石於遶門山歲久離立以判落而愈見巉巖奇觀也

擘開洪荒天孰能還其元遂令巨然筆得此皴法源幽

崖報響答隔岸如對言羣峯揖府山茲獨無攀援紹興府山衆峯皆拱向獨峻峭不相下邈若成孤騫匠石顧之遶門無所附麗

笑斤削乃見存此首專詠遶門山

衆水滙梁湖重問曹娥渡客行三日程水陸乃兩度西興與梁湖渡曹娥江陸行易舟始抵甬上

一帆挂輕煙艇子重洞汭山光鬱

磅礴潮信異朝暮始有潮到海去不盡連天耿無數或

作鈞鎖筆淡赭失輕素或炫金碧容霏煙羃濃霧純樸

而敦龐罔用誇美誇

姚江達四明彌覺天宇大海舶競飛帆劃江激湍瀨始見海舶開奇極險怪撲字忽春靄變動極不居觸處詫技

猶行開台岳先殿此越山最憶當暑甌時無景尙茫昧

歲月去駸駸追思劇無賴山水結前緣吾親竟安在夢

中一揮涕過眼皆虛簾

烏蓬行西興抵梁湖船名

搖搖不根舟宋人句首尾尋丈修人物及雲氣繪畫綵藻

浮穹窿上幕席數翻塗以紫漆一色完是名鳥蓬涉淪
溪越俗嫁女婚姻敦贈以田裝隨門越俗嫁女例隨一舟名田裝船
蓬也客行買舟此為尊截波滑達便吐吞我來泛泛無
足論賤售白蓬席可溫已勝破屋隣潤藩白蓬製更樓陋而摧舟木
最滿滯余例以鳥蓬孰弟昆不見官舫但餘紅板存豈
適買此舟若吳兒雙鶻沙快之輕輪

划船行上虞抵南波船名

曹娥渡口江波平梁湖驛前多市聲西來於此更東下
捨筏登岸數里行榜人纖櫂忽相招更上扁舟趁蚤潮
船蓬蓋魚鱗船底挂龍骨船底懸長木藉以拔壩上下三壩中往

勸齋詩鈔卷一

三

來競超忽餘姓達備波侏離言語不能名怒向壩夫時

手摔壩夫牽船呀呀鳴管聽水聲葛波滑嗟爾倒撐船名

無所憑不敢一向若輩爭索錢始為拉纜繩往來甯越率坐划船

則過壩順利倒撐為市船載傳魚鹽壩夫索錢無已也

遊莊園東境在會稽

排檐修竹蔽籬根一水滌洞却到門盡日主人閒不至
客來頻為掃苔痕

疊石穿池結構勞千章林木翳周遭登樓却喜延清賞
無數青山四面高

老梅牆角鬱樞杈比似虬龍自攫拏未到花時人不賞

我來庭院對枯槿老梅二株甚奇古

林泉底用誇儂占隨分來遊也足豪待得築成池館後
不知能賞屬誰曹

謁曹娥廟

江流門外響哀湍廟食千年總不刊里黨醪錢爭賽社
歲時伏臘走祠官迎潮事與元嘉遠蝕薛碑畱度尙殘
拜罷遺容重惆悵可勝齋白感辛酸

四明感舊

故吏更番視起居多情慰問到徒胥余至甯波先大夫舊時給事吏役咸來存愛餘翦伐猶存樹澤及恩勤尙在聞說感倍添遊

勸齋詩鈔卷一

四

子淚將離許致後時書最憐父老相期厚慚愧青衫尙
滯予

訪范氏天一閣

西山宛委傳東南祕籍所在無由探世間典冊日繁富
聚於所好非空談四明范氏守遺編遠溯粵在隆慶年
滄桑代閱三百載不與變滅隨雲煙維昔癸巳求遺書
范氏爭獻出所儲名山著錄不終晦一朝光曜登
天衢遂令海濱天一閣

朝廷

特詔圖所居書經采錄播海內

敕還原籍頒瓊瑤簡編遺遇

聖人鑒縹帙拜賜

天家殊先公持節東海東欣與是役誇遭逢維時小子
嗟童蒙校讎竊願隨羣公意中突兀有此閣欲借萬卷
羅心胸重來舊地問何事未見書應償夙志入門羣從
古鬚眉驚陸羊公去思淚閣門局鑰爲我開耽耽廣厦
無纖埃到此已應富南面絳雲天籟何有哉牙籤插架
凡數層部分井井如貫編六丁雷電不敢攝辟蠹况有
英石承每架各置英石以辟蠹魚鄭重傳經長孫子一水淪漣又山
峙天開堂構肯深情水態人心相映美嗟余舊學那可

勸齋詩鈔卷一

五

說翠滴樓高久散失余家藏書之所析薪負荷古所難却羨君

家有天一

臨發四明天一閣主人范見三秀才枉送河干別

後却寄

牙籤萬卷擁圖書舊德清芬孰許如手澤子孫勤世守
門風林壑占家居藏山名共千秋禾好客情牽三宿餘
一櫂扁舟又西下枉君相送意踟躕

陸雪羹明府喪子來往蕭山不得走慰東以二首
到處牽人事經過未繫舟渾難名去住真自笑沈浮東
道吾忘主西河淚未收還看父再索莫信側生稠

住豈瞿曇現傳聞家督稱百年剛石火一瞬劇風鈴慰
擢孫枝秀羣推宦轍能放衙山色好且進酒如瀉

題疑雨集

不嫌宋玉有微詞側豔流傳數首詩似此得邀文苑傳
可憐潛德竟誰知彥同入明文苑傳余頗不爲然

附舊作二首

過廣陵有感

煙月繁華擁節幢飛騰未見氣先降霓裳莫漫誇同詠
一例孤帆又度江

和韻長生無極瓦硯歌庚戌

勸齋詩鈔卷一

六

咸陽劫燒摧秦宮如驅異類燔其櫳說文櫳斬蛇赤帝

起芒碭入關雄據開天工鄧侯考卜示壯麗未央大起

煩磨礪太倉武庫儼森列翹材落處花瓏瓏落花聲崔見韓詩崔

崑切雲表兩闕奏事者北門從東吾聞茲宮瓦有六王見

瓦子充漢瓦記千年大抵隨飄蓬承明宣室渺何許黃金璧帶

知焉終豈同寶氣未埋沒那異石質經堅攻蚌胎示象

月輪滿列宿歷歷圍當中琳琅倒薤具體勢斥棄徒隸

眞無功李斯不作史籀死此道荒逸成沙蟲卽看流傳

僅四字好事欲共珍壁隆嶧山篆刻久淪沒衡岳岫嶮

誇愚蒙長生獨令擅此瓦當年方士宜其窮摩挲待看

置成硯蕭齋清供隨筆公君歌硬盤語兀傲屏絕浮豔
排青紅繫予驚下妄追逐如富張褒凡馬空噫嘻乎通
天之臺承露掌至今何處高隆崇與君對此三太息那
不論古欽英風

勛齋詩鈔卷一

七

勛齋詩鈔卷二

代州馮歲百史

寄巢集

余家貧衣食外舅比自外舅拜江西學使之

命余孤落都下其境益困因挈家累取道吳越擬往
依焉中間爲婦病所阻遂賃宅嘉禾慨此身之如寄
忽巢託以無端回念舊廬天末甥館渺然泛宅浮家
不知何時息我征轅也

夜雨感懷

寒雨無端又驟愁細和點滴到心頭馬鄉竟左游梁計

勛齋詩鈔卷二

一

鳩婦虛傳補屋謀落拓江湖惟命酒飄零身世感浮漚
銓前細數從前事一錯真教鑄六州

柳汀表弟過予一飯舉案頭梅聖俞詩屬和其韻

率成二首

漫擬成都卜肆簾致佳風日藹晴檐晨餐野外應同此
卯飲杯中竟未添閱世共憐飛野馬浮生幾見燈新蟾
長吉詩脈脈新蟾如燈目與君交淡情親好有味無形水散鹽

園香小閣漫垂簾却趁南榮坐就檐投分劉盧欣共話
與拈競病未容添拌教腹餒餓鼠更注雲腴磨渴蟾
暫擬向君巢降星免令刻畫到無鹽

晨起擬赴當湖菴園丈遣送用梅聖俞和歐陽永叔新歲詩韻三首余昨曾用此韻作二首頃自當湖歸又成三首一章奉酬其二則各寫當湖往還蹤跡也

詩筒走遞忽辜簾透進晨曦讀向檐語妙每於真意盎格高未許俗情添爲參句律聽揮塵更挹襟期皎奪蟾俸我不材重拂拭霜光先費洗金鹽

浪擁枯萍風颺簾無端飛鳥又辭檐鸞跼屈就瓜皮小瑟縮寒思楫拙添夜雨一鐙談鬼蜮雨夜抵當湖家秋夜宿齋中聽其談客幕中近事春風幾度換烏蟾湖波東去清如許可是尊羹

勸齋詩鈔卷二

二

未下鹽有作未下者並尚用舊說

言歸急比燕穿簾更課新詩向曉檐團聚未妨兒女話酌斟那厭聖賢添暫教戢影天邊翼迅甚流光月窟蟾悟得勞生佳且住不須世味辨酸鹽

題汪申甫秀才寒宵擁被圖六疊前韻

柏子梅花香透簾無心隙月自窺檐絳紗未肯因融鑒青翰翻嗤擁鄂添裁小定應憐去雁謂難弟鳳洲秀才走京師觀空渾欲證圓蟾懸知中夜牙車鼓舌本同甘欲點鹽

白貓七疊前韻

琉璃屏皎映冰簾觸處交光忽在檐色認西來持偈半

月當東上滿懷添遊仙莫跨名符鳳簪卜難新影混蟾團雪跳風臨鼠穴素書好護抵晶鹽

楞嚴寺晚步八疊前韻

佛座塵凝暗古簾縫繩上下走虛檐鐘聲響霽翠恩閣松籟颺颺欹股添舊梵成淳率玉虎寺前井欄傳轉輪是咸淳間物法藏祕金蟾寺有嘉靖賜藏經何當蔬筍隨僧眾免得較量到米鹽

祀竈

司命關人事誰教以醉爲禮原崇五祀農已告三時薄俗祈難厭微躬過重思爲憐羈旅况好與促歸期

勸齋詩鈔卷二

三

南北鄉風異余猶舊俗稽北俗廿三日祀竈江浙率廿四日屏當團粉餌料理到餚飴長短從君話清貧祇自詆太常齋戒憤

郭辦割黃雞

和汪菴圃丈甲寅元日題門韻

地僻真教遠市囂何曾爆竹聽終宵年隨馬齒髮駸駸長事共鴻泥漸漸消是處朝正沸車馬何人曲宴隔雲霄無端振觸春明夢如此韶光度寂寥

立春日喜雪

三冬望雪殷臘尾雨猶滴天工厚積蓄幻此瓊瑤覩春前一日遲已見霰微積回風舞檐端都作響浙歷入夜

愈續紛凌晨堆瓦甍高天與厚地見朗同一色翻鴉或
梳翎宿鳥惟欲翼了梅肥枯枝鵲樹豔秋荻雙尖知否
埋六出如可摘兒童走階除乃以寸葦畫因方而成珪
遇圓亦爲璧頓令晶瑩質播弄旋消闕行當開霽容預
想升畫鶴一看浩蕩春三農慰洽適

是日薊圃丈招食春餅再詠十二韻

冒雪或奉裳蠟屐自擎蓋踴躍赴佳招予泥塗外冷
朋及親串命此辛盤會恣意說公羊動指驗舊蔡翦韭
度爲寸切肉聶而膾裹以牢九宜酬以真一藹雋味兩
融洽饒嚼齒屢噉何從招此師詫絕廚孃最微生幾屬

《勸齋詩鈔卷二

四

屢畫餅那可奈幸茲三白飛斗室遠塵壒朱門杯炙殘
紺宇傳飢大行將事征鞍旅食風中旆

余將北歸

附錄一首

薊圃丈和食春餅詩韻

獻歲例相期辛盤合簪蓋招要愛冷局有客來塵外
挑齋翦嫩韭趁此敲春會甥也隔越秦予何分楚蔡
居貧不我嫌滋味薄盤膾名言多超超吉士詞藹藹
衝泥出佳篇履齒走砑磑稱及餅應時方法北廚最
截肪嚼復嚼鄉味正無奈對茲盈寸雪臘前壓塵壒
預期麥隴收老饕說小大春融理北裝行看卷歸旆

同年沈帶湖司勳招遊真如寺因偕汪柳汀祝二
如同飯齋廚成二十韻

昔讀朱十詩真如名已譟半載客由拳蠟屐曾未到隱
侯招客遊勝侶後先造而我復攜朋入座不嫌冒齋廚
饌伊蒲初地訂投縞故交話情親善譚不爲暴尋幽更
窮探一僧俾前導眼明罕堵波鐸鈴風料峭自維脚力
屏登頓屣寧倒菩提絕聲聞寂滅示堂奧何物凶穢餘
佛齒奉珍好諦觀殊不經一笑太穿鑿裴休宅焉存鶴
洲跡如埽俯仰幾劫塵歷亂轉風靈澎湃湖亘寒波沙渚
擁退滂迷茫遠岸前煙樹粉水澳歸途指塔尖矗起尙

《勸齋詩鈔卷二

五

桀鶯客言去年秋曾聽戒律告雙丸不相貸一歲又見
報柳汀言去年秋曾聽戒律告雙丸不相貸一歲又見
擬賦詩用江淹日暮君雲之句見贈

正月十六日邀柳汀表弟小飲齋頭枉投佳什因

和其韻

伯鸞憐貧庶陶令愛吾廬物外素心共樽前青眼舒故
山空好在歸計總茫如又過燒燈節因君款滯予

來詩促予裝

燕九日口號

上元纔罷燒燈宴燕九嬉遊及令辰齊向子城西畔去

白雲觀裏遇仙人

百和香車碾畫輪五花寶馬逐輕塵神光故自多離合
賺煞狂奴覩未真

城畔流澌尚未消冰林穩載勝輕舸新年列肆初收版
百戲移來趁此朝

幾簇牆陰殿角俯拍肩挹裏任徜徉可能瓶拂皆仙侶
却是長春祖澤長

蘇圃丈招食石首魚飯罷同令姪淡耘遊殷園序
園在嘉興金陀坊畔卽俗所謂楊柳灣也在宋爲岳

珂倦翁故宅本朝爲曹侍郎洛別業名倦圃不忘所
勛齋詩鈔卷二 六

自也後歸休甯汪氏爲鐵舟園汪自遷禾爲右族名
流勝侶時復譙賞其中可與前輩流風後先輝映展

轉售爲殷氏咸以殷園名之淡耘固汪氏族姓暇日
與之來遊園亭旣頽廢不治林木則半就樵蘇枯樹

賦云樹猶如此人何以堪相與歎歎久之爲賦此篇
貧家食每厭粗糲清遊懶出無車乘念茲老人獨存問

居恆詩酒通親情入饌黃魚寄吳會飛牋邀享佳庖登
頭鮮尙待暮春暮賈柳已致層冰層刀礮乍斫脣雪落

蘆桂薄芼羹材稱飽經大嚼腹不負遊約小阮聲同磨
灣指楊柳接咫尺橋通畧約延緣升金陀坊巷遺跡古

倦圃前後佳名仍後歸君家常愛護名園奕世清輝增

往再至今又幾易閱歷極盛難爲承移舟夜壑了無據
故家喬木聞猶興風煙幾度拂嘉樹剪伐一例摧枯藤

庭前鳴脚孰培植輪囷橫被五畝青數花幽豔破籬落
一株古幹高嶺巒溪山真意就漸滅翰林摹額還規繩

園有溪山真意軒爲倦圃舊韻翰林祝先生手摹之 羌余低徊溯先業溪雲變
滅誠難憑方伯解組歸嶺外司農謫宦雲中曾知園壇

坵冠州里聚星高譙誇賓朋清芬世德邈然遠弔古臺
榭留空墜曹司農官雲中應副先方伯築知園一時如

流觴詠詩刻壁間展轉售爲屠賈近始爲學博叔易歸而舊時遺跡杳不可問矣 無端浪跡阻
勛齋詩鈔卷二 七

南北振觸舊事悲填膺佳遊美食盡如此後來過眼隨
風燈

助齋詩鈔卷三

代州馮宸百史

李虎觀刑部見示病中之作讀之情文斐亹輒以三絕句投之

瘦詩健筆我何有治葉倡條君態多爲想藥爐茶竈畔苦吟何地著維摩

七椀玉川隨分喫一丸縷嶺要能持待看清風生兩腋固知疏淪已多時

甚欲低頭拜東野何緣疊廬學西施可能些子留皮相却是無言真本師

助齋詩鈔卷三

一

方式亭明經迎養其尊人暨眷屬來都門覃溪學士爲顏所居曰虹石齋式亭自題五律四首屬次其韻

定省晨昏缺都緣上計留望雲空有含負米獨含愁支絀營甘旨商量辦酒筵遙知拜嘉慶驚喜豁雙眸長安君久客甯作薄遊身幾度回文字虛絨尺素鱗北堂今奉膳南陌蚤回春載酒從茲數應添問字鄰小巷新移竹研摩自得師古情逆氣誼流水別襟期哲匠空羣碩高明蚤見知畧愁困珠桂排日且哦詩說劍長虹吐論交漬石苔都將堅白意好向本根培植

額新題溼開樽舊雨來自慚難報和佳句美於同

祭酒法梧門先生見示考正西涯詩賦呈二律

喬木西涯記日邊更從潭水話桑田總持風雅儀前哲管領溪山得大賢履道不殊坊在望園橋爭仰鉢能傳卽今香火淵源接搜訪都關翰墨緣

紅酣十里記看荷結夏曾陪杖履過一水最宜牽舫便好山強半入城多披圖勝跡歸長卷考古深心訂舊訛珍重先生題詠在詩龕懷麓本同科

歲暮雜感用馬叔安同年比部韻

烏蟾不爲小遲回殘臘風光歲又開桃李幾番矜豔色

助齋詩鈔卷三

二

松筠一例等凡材倉卒深淺人能畫步學邯鄲亦自猜一縷性靈如不死儘教合眼細評推

葛衣從古悼西華翻覆人情最可嗟下石不難成貝錦關弓真欲駭杯蛇金人有守常絨口銀海搖光莫眩花

上界神仙空眼界安期知否棗如瓜

飛騰意氣看鳴騶萬里長風自覺悠刻楮技真成敗葉操刀目竟奪全牛風當廿四居婪尾騎領千餘在上頭獨往獨來成底事行蹤從此付天遊

才思年來八節灘因人成事固應難也知捷有終南逕至竟靈無太乙壇一著翻然萌退念羣情尙雨起爭端

飛鴻已具冥冥想弋者何妨空外看

分明隔斷是紅牆曾說金華有牧羊舊燕羽毛非故壘
隨身竿木漫逢場無田分絕逢年想屏跡情甯望日章
一二故人頻慰藉尙煩吉語說嘉祥

雪擁重雲雨罷霓擲梭寒暑類階梯何人柳外誇盤馬
有客尸鄉但祝雞一脈尙能貞世守百城况復等身齊
典衣料理謀椒酒拌飲猶能醉似泥

秋日同人出豐宜門擬遊金尙書山林不果飲萬
泉廢寺過邵大益之不至歸得七律三首

韶光忽道到三秋屋角晴嵐眼底收物外怡欣借素履

勸齋詩鈔卷三

三

聞中剛得訂嘉遊先期借馬聯車騎小挈都籃佐酒筍
不分軟紅塵裏住出郊情景頓清幽

韋杜天南取次行尙書亭館舊知名遙山入畫全迎眼
野水回流曲抱城蘆影幾叢通暑約鞭絲一逕指柴荆

當關不報閒遊客帳望應同吹玉笙

圖丁娶婦阻遊人吹玉笙見義山詩

徘徊有客繞林垌路口三叉屐未停且就濁醪依廢寺

更迎良友遲空庭殘荷倚檻猶留葉秋潦餘痕欲上顰
何限流連光景意夕陽冉冉下前汀

立秋後五日法時帆祭酒招同人譙集積水潭卽

席分得波字成二十韻

勸齋詩鈔

玉泉泉流平無波匯爲積水綠城過風潭百頃望無際
溼草紛雜荷爲多司成有約趁秋稷素節已屆毋蹉跎
故人風雅宰未驟先期治具煩搗訶入門亭亭見雨蓋
取逕冉冉緣坡陀明流下俯更展席獨當茵蒞臨秋河
惟時陰晴候各半輕雲一晌相蕩摩秋光人意兩相得
天公付與無偏頗紅衣強半未狼藉高擢遠浦誇修蛾
不疏不密正相間大似君子留巖阿沿洞艇子弄一棹
蕩潏萍荇穿淺窩扣舷不唱采蓮曲擊楫還與徵吳歌
洞簫聲聲訴淒迴無端涕淚雙滂沱閒身雲水矜現在
到岸俄驚一剎那諸公興來作詩畫解衣磅礴如吾何

勸齋詩鈔卷三

四

絳紗弟子各魚雅分曹點筆摹煙蘿惟公壇坫莅牛耳
羣入鑄冶金披沙小材何幸撰杖履雅量直欲俱駢羅
後遊已訂嘉會續封景那惜朱顏酡歸來頓覺塵空浣
向來歲月徒消磨

九月二日同洪雅存編修趙味辛舍人伊墨卿方

道坤李虎觀希靜亭四刑部吉虛齋戶部朱習之
孝廉出豐宜門集百典簿安樂園譙飲竟日取道

金氏廢園而歸得七古一首

平居城市意牢落聽鼓應官苦束縛九秋天氣劇晴佳
肯使流光暗中卻百家園林在何所纔說招邀已延佇

先期治具張此間不速故人皆吾侶得朋已協西南占
出門剛半陰晴序豐宜門外流水多不斷雨蓋擎殘荷
便娟修眉淡雲髻欲露不露窺冉冉車前正復工掩映
那必登涉窮其廣稍從畧約渡迤邐蚤見園籬啓雙枳
葭菱蒼蒼水四圍無邊煙樹皆依微樓臺翻覺著意象
野景自足耽天機問途曲折尋深鵲路沿洞榮別浦
開襟前臨菡萏池想像花時惜未覩即今萬柄卷碧簫
落盡紅衣猶媚燠醉來便欲狎輕舸乘興儻能弄柔艣
諸公落落多豪情傾倒肺腑絕城府雄談不數次公狂
罵坐甯遭灌夫侮起拍洪崖肩更誦元叔詩味辛出觀
遊澄懷園

勛齋詩鈔卷三

五

詩二君意見偶不合孰能議論分雄雌洪趙二君忿
爭殊有風致伊
郎伊郎妙解事徑攜趙子升岡陂登高縱目更蕭爽頓
覺塊壘消何之始知吾儕辨駿俱絕倒向來局促城市
徒爾爲流連莫款二客轡限以重城促歸騎靜亭虛齋
以寓內城
先司空亭館近咫尺回車更一訪其地到來門巷是耶
非轉轂豪華今昔異高臺傾矣曲池平當門流水差堪
志遮莫臨歧感盛衰來春相約仍追陪吁嗟乎百年七
萬二千飯過眼雲煙安在哉

法源寺看花漫興

一重門掩一重花步履來看到日斜刺眼繁英渾爛漫

亞枝低樞更周遮青天不礙眞無著白日能消豈有滌
三萬六千同此夕也應無事飯胡麻
送同年洪雅存編修請急還常州
辨日分曹餞此人紛紛宦海歎抽身荆高舊侶今蕭索
最憶槎牙酒膽眞
天外遙傳斷雁繩友于情切感偏增知君不爲尊鱸去
翻被傍人擬季鷹
小別暫教歌折柳再來已訂蚤春天從今僕指還
朝日準擬重開軟脚筵

題柳塘春思圖

勛齋詩鈔卷三

六

昔者趙光祿曾題柳塘圖云是承旨筆老鐵詩篇俱遍
徵好事者傳唱東南隅贈光祿趙損之先生藏趙松雪
畫美人倚柳樹而立中有楊鐵
崖詩光祿題曰柳塘圖
東南名士詠歌殆遍此塋將毋同有美揚清臚風柳
一披拂腰身倩誰扶得非滿囊約如將春困蘇小村風
日好瞥見雙鴛雛讓山在何許芳訊能傳無閒情慾泥
絮何者爲彼妹願空人我相免作眞眞呼
紫雲山房藤花詩八首山房爲侍御姊夫所居
時余寓居山房西偏
一架濃陰覆廣庭虬枝雙幹出檐青葡萄漫詡能垂穎
瓔珞差同好辨形交讓馬纓甘退舍三眠人柳隔疏櫺
比肩孰與黃銀並纔許牆隈伴古廳藤架兩牆角各有
合歡古柳一株

香從亭午鬱濃芬作鬧蜂聲聒耳聞深院一方開靜晝
遮關滿榭耐晴煦眼明斗帳初回夢影颺流蘇欲亂雲
未覺春歸愁逝水儘容繁豔策奇勳

煙靄高低羃翠叢漸看隙月透玲瓏忽驚瀉水空明外
暑辨垂條麗簌中地拔龍蛇成幻象影搖竹柏竟同工
不知銀燭高燒處何似清光上綺櫳

廉纖小雨未成酣誰向鉛華不染參淚衰紫苞珠撲菽
色措翠幄髮豔鬢含情一倍和煙重晝周遮故態愁
自是洗粧高格調霑泥枉用儼瞿曇

托根輻輳本堅牢無那封姨又怒號架閣稀疏空悵望

勸齋詩鈔卷三

七

枝撐心計枉周遭摧殘雲錦疑飛縵翦亂霞綃但賸條
砌下莫愁堆漸滿積英如許尙堪豪

服食餐英記楚騷也偕秋士鬪孤高分將雀啄添常饌
取到蜂糧饜老嫗糝合陽飴工佐治洩同餅餌謝煎熬
劉郎若準留題例徵事何殊九日糕

爛編絲服綺筵開剛是花時晉罍來百結共纏靈壽杖

八瓊高奏紫雲堆羨他嘉植承萱茂感我孤根已露摧

回首故鄉荒逕在到天藤長待栽培

花時主人爲母夫人開詩燕於山房

萍蹤自笑太無端又寄籬間一席寬刺眼繁英同昨夢

落花如雨強追歡蟠泥從此隣藩涸墮地無憑插羽翰

何事糾纏倚藤蘿故園松柏最凌寒

烹小園茶餉客客有離席再至者因重沃以飲王
右園有詩調之戲和其韻

豈是頭綱箸籠開細參鼻觀暗香來杯行莫道輪婪尾
一例雲腴舌本同

經時難得好懷開茶話欣攀勝友來也似品泉登惠麓
三生清夢忽飛同

有感

清時無事諫書稀報國文章未覺非第一蓬山清切地
不同野老款煙扉

勸齋詩鈔卷三

八

平時親串兩形忘頭腦冬烘欠付量自笑出山緣底事
却教情話憶江鄉

時余初從吳門入都

吳門舟中口占

居然偃仰對佳山高峭難教一例攀莫向此間論平遠
愛他蘊藉豁心顏

森森湖光寸浪柔一枝鳴鶻濠中流饒他三萬六千頃

可有顚風簸蕩憂

如雪飛帆片片遮客舟漁艇共紛拏生憎到岸鄰閭闔

那似煙中寂不譁

上方山近石湖通塔影高懸入望中此是新年最佳景

者番遮莫怨春風

送客江頭口號

我來送客到江頭
水色山光一望收
洲漲有痕餘退潦
暗潮無浪打空舟
壯懷此際波瀾闊
日暮行吟蘆荻愁
絕好偏魚能縮項
歸經樊口寄同游

助齋詩鈔卷三

九

助齋詩鈔卷四

代州馮宸百史

秋日同金手山秀才孫小蘭甥遊法源寺手山有作卽和其韻

晴煙一碧散林霏
馬首西山對翠微
稍待朋曹問黃菊
莫論人海化緇衣
滄桑幾劫唐餘剝
身世都空漢上機
堪歎華亭老居士
僧廬息影竟忘歸

謂徐鄰哉舍人

夜雨感懷再疊前韻

重陰不散雨霏霏
入夜聲傳點滴微
起舞無心談馬革
窮愁有淚滴牛衣
玉川終鮮網繆計
金谷空悲陷穽機

助齋詩鈔卷四

一

辭富居貧吾豈敢
抱關或比荷鉏歸

題表弟陳大

鴻壽

珠泉讀畫圖

十斛難量應比價
一泓澈底與同清
泉聲何處更描繪
濺沫跳珠到眼明

畫本無聲何可讀
也同濠濮見襟期
請看湖海皆名士
傳唱應添歷下詩

壯遊不作出山看
修竹甘蕉切莫彈

圖中所有

身世空明大

圓鏡浮泡幻影總奇觀

朱少白孝廉索和令叔南崖大司農喜雨歌元韻
舜琴曾協薰風歌
均調玉燭宣時和
宮中